

## Hevpeyvîn bi mamoste Hemîdê Hecî Derwêş re

### Sekreterê partiya demokrat a pêşverû ya kurd li Sûriyê

Mamoste Hemîd, em kêfxweş in bi navê weşana Newroz, vê dîtîne bi we re bikin, li we guhdariyê bikin, nerîn û bîrbaweriyên we di ezmûna xebata bêtir ji 50 salî di ber doza gelê kurd de, biguhêzin xwendevanên Newrozê. Gelekî bi xêr hatî..



1- Di wan rojên berê de ku asteya hesta netewî li ba gelê me ji ber sedemên tunebûna xwendin û zanîne, merc û hoyên eşîrtî, malbatî û hwd... qels bû, şêweya kar û xebata we hingî çawa bû?

*Dsetpêka derbasbûna min di tevgera siyasî de, rewş gelekî tevlihev bû, hestê netewî kurdî gelekî sivik bû û kesên di vî warî de kar dikirin hindik bûn. Tenê, hestê olperestî û êlperstiyê cihê xwe di nav gel de girtibû. Piştî me partiya demokrat a kurd li Sûriyê damezirand, gelek kelem û asteng li pêş me derketin, nemaze di warê diraviyê de û şerê olperstan û partiya komonist ji parta me ya nû re. Lê, ji ber girêdana me, bi doza me ya netewî ve û israra me, me karîbû em şopa xwe vekin. Di vir de, ez ji dîrokê re dibêjim ku hevalê rehmetî **Osman Sebrî** di pêşiya me hemiyana de bû.*

2- Piştî van guhertinên ku li seranserê cîhanê rû dane, mîna pêşketina bê sînora dezgehên ragihandinê, geşbûna xebata gelên cîhanê ji bo

parastina mafên mirovan, şerê cîhanê dij terorê, û rûxandina rijêma Sedam li Iraqê, û ya Taliban li Afganistanê... Hûn paşeroja gelê kurd bi gelemperî, û gelê me yê kurd li Sûriyê bi taybetî çawa dibînin?

*Bêgumane ku gelê me yê kurd, di siha rijêmine diktator, nijadprest û hov de, ewên hewil dane wî tune bikin, qonaxine perîşan û dilêş derbas kirine, bi hezaran qurban û cangorî pêşkêş kirine, bextiyariya xwe wînda kiriye. Lê, îro em di qonax û demeke nû de dijîn, nîşan û sembola wê demokrasî û parastina mafên mirovan e. Ev yek, mizgîniya qonaxê nuh dide me ku gelê me dê xewnên xwe di azadî û bidestxistina mafên xwe yê netewî û rewa de bibîne. Lê, divê em zanibin çawa sûd û mîfayê ji vê qonaxê wergirin. Lewre divê em siyaseteke zanistî, demnas û realist bikar bînin, ji dilxwestin û ewatîfan bidûr Kevin.*

3- Welatê me Sûriyê, li ber dergehê guhertina ye, gelo rewşa tevgera me ya kurdî ya îro, dikare rêbertiya qonaxa bê bike? Û eger na be, hûn çî xebatê di ber yekirina vê tevgerê de dikin?

*Belê raste ku welatê me Sûriyê li ber dergehê guhertinê nuh e, û raste tevgera kurdî ne weke em dixwazin bi hêz û hevgirtî ye, wilo jî tevgera netewî ya Sûrî bi tevayî, lê ez dibînim û bi bawerîke mezin dibêjim ku tevgera me ya kurdî dikare li kêleka tevgera netewî ya Sûrî bi rola xwe rabe û pêşkêşiya wan guhertinan bike. Divê em bizanin D.R (3)*